



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De clero Susatiensi, qui confessus est sacerdoti se peccasse cum
concubina sua, cap. 29

urn:nbn:de:hbz:466:1-13177

ADolescens quidam infirmus, cùm euidam suo concanonico, nondum sacerdoti, compelleat necessitate confessus fuisset, quòd a quadam illectus sanctimoniali, osculatus fuisset eam, interrogatus est, si rem haberet cum ea? Respóidente eo, non, sed illa libenter vidisset, satis me verbis inuitans ad commixtionem, ipsam etiā personam exprimens, cōfessor eandem personam ab illo tempore semper in corde suo despexit, nec potuit eam tantum diligere & venerari, vt antè. Talem posset confitens prodere personam, vt inter ipsum & confessorem odium perpetuum nasceretur. APOLLONIVS: Verbi causa. CÆSARIVS: Si diceret confitens; Domine ego peccavi cū sorore, filia, vel concubina vestra, puto vix posse fieri, quin ille turbaretur. APOLLONIVS: de hoc mihi dicas exemplum.

CAPUT XXIX.
CÆSARIVS.

Sacerdos quidam in Susatia habuit concubinā, quam adolescens quidam concupiscens cum eadem peccauit: in quadragesima verò, ad eundem sacerdotem veniens, confessus est peccatum simul & personam. Quod cùm audisset sacerdos, turbatus est valde, & ab illius eum amore abstrahere volens, durius arguit, peccatum aggrauavit, pœnitentiamque duram nimis iniunxit. Rancor iste sine periculo non fuit. Vnde inuestio tam aspera, pœnitentia tam dura, nisi ex propalata persona? hæc mihi retulit Theodericus Susatiensis monachus noster, qui vtrūque nouit, sacerdotem videlicet & adolescentem. Non ergo prodere debet confitens personam peccati consortem, cùm tamen ea, quæ peccatum ipsum aggrauant, confiteri teneatur. APOLLONIVS: Vellem instrui, quomodo dicere deberet. CÆSARIVS: Huiusmodi formam posset seruare; Domine, ego peccavi cū legitima, concubina, filia, vel sorore cuiusdam cognati, affinis, amici, vel inimici mei, solis peccatis meis exigētibus, siue ab illa inductus. Et in hunc modum

dum de cæteris peccatis, siue carnalia sint siue spirituallia. In hunc modum & femina dicat. Quædam tamen peccata sic committuntur, ut vix exprimi valeat, nisi confessor de persona intelligat, non inde mulsum curandum est. APOLLONIVS: Quid si duo contra suum prælatum conspirarent, & unus illorum pænitentia ductus, peccatum suum eidem Prælato confiteretur, deberetne alterum prodere an non? CAESARIVS. Video ex omni parte periculum, si non proderet personam, Prælatus periclitari posset, si verò proderet, forte perpetuum illi odium aduersus conspiratorem suscitaret. Audi exemplum ad cautelam satis necessarium.

CAPUT XXX.

Abbas quidam, de Claustro mihi bene noto, de quodam virtio notatus fuit per cuiusdam monachi sui confessionem. Cum intellexisset hoc alium quendam scire, diabolo instigante, cœpit eum occultè persecui, timens ab eo in visitatione accusari: & cum illum mittere vellet ad quandam domum remotam, nescio quid prætendens accusationis, ille bene considerans causam persecutionis, respondit Abbatu: Domine pater, domum meam non demerui, si vultis me mittere ad matrem nostram, ibo; sin autem, Visitatorem hic expectabo. Bene sciebat, quia illuc eum non mitteret, ne forte detegeret, de quo timebat. Hæc mihi relata sunt à quodam seniore domus illius, in qua contigerunt. Si Abbas iste tam durè persecutus est hominem innocentem, quomodo persecui haberet conspiratorem? Cernis qualiter uterque periclitatus sit, Abbas persequendo, monachus gravissimis tentationibus laborando. APOLLONIVS: Licet in aliquo casu confitenti prodere personam alterius? CAESARIVS. De hoc à me requisitus magister hermannus Decanus Bonnensis, vir literaturæ magnæ, respondit; si talis persona fuerit, de qua confiteri confitendo, quod peccatum commune confiteri noluerit, bene eam prodere debet, ne tacendo pereat: de hoc mihi retulit exemplū utile satis.

CAPUT